

OKVIRNI SPORAZUM

O NAUČNO-ISTRAŽIVAČKOJ I POSLOVNO-TEHNIČKOJ SARADNJI

zaključen između:

1. Univerziteta u Sarajevu, Prirodno-matematički fakultet, ul. Zmaja od Bosne 33-35, ID: 4200494560252, koga zastupa prof.dr. Nusret Drešković (u daljem tekstu: Fakultet).

i

2. Bosnalijek d.d., Jukićeva 53, ID: 4200598340009, koga zastupa magistar ekonomskih nauka Adnan Hadžić, v.d. direktora (u daljem tekstu: Bosnalijek),

Član 1.

Predmet ovog Okvirnog sporazuma je regulisanje međusobnih odnosa u naučno-istraživačkoj i poslovno-tehničkoj saradnji između Fakulteta i Bosnalijeka.

Član 2.

Naučno-istraživačka i poslovno-tehnička saradnja prema ovom Okvirnom sporazumu obuhvata:

- realizaciju zajedničkih naučno-istraživačkih projekata;
- zajedničku primjenu naučnih dostignuća radi podizanja kvaliteta osnovnih djelatnosti potpisnika sporazuma;
- zajednička istraživanja;
- specijalizaciju istraživačkog kadra;
- organizaciju stručnih i naučnih skupova;
- korištenje stručnih i naučnih časopisa i ostale bibliotečke literature.

Oblasti u okviru kojih će biti realizovana saradnja su prirodno-matematičke nauke, tehničko-tehnološke nauke i biomedicina.

Član 3.

Detaljnija međusobna prava i obaveze po svakom predmetu saradnje biće uređene posebnim sporazumima.

Član 4.

Ugovorne strane se obavezuju da će sve ostale saradnje koje nisu obuhvaćene ovim Okvirnim sporazumom, dogovorno i ravnopravno utvrditi i urediti isključivo u pismenoj formi.

Član 5.

Ugovorne strane pri realizaciji ovog Okvirnog sporazuma, kao i posebnih sporazuma koji proizilaze iz njega, obavezuju se da će preduzete obaveze ispunjavati u potpunosti i blagovremeno, da će se pri tome pridržavati važećih propisa i pravila struke.

Član 6.

Ovaj Okvirni Sporazum zaključuje se na neodređeno vrijeme i stupa na snagu danom potpisivanja.

Svaka ugovorna strana ima pravo da otkáže ovaj Okvirni sporazum dostavljanjem otkaza drugoj ugovornoj strani u pisanoj formi putem preporučene pošte najmanje 7 (slovima: sedam) dana unaprijed.

Svaka ugovorna strana može raskinuti Okvirni sporazum, pismenom obavijesti koja je poslana preporučenom poštom drugoj strani u slučaju:

- kršenja odredbi ovog Okvirnog sporazuma od strane druge ugovorne strane. Ovakav raskid Okvirnog sporazuma, međutim, neće biti punovažan ukoliko ugovorna strana koja je prekršila Okvirni sporazum ispravi kršenje Okvirnog sporazuma u roku od 15 (slovima: petnaest) dana od dana prijema pismene obavijesti o raskidu Okvirnog sporazuma u kojoj je preciziran prekršaj Okvirnog sporazuma; ili
- u slučaju insolventnosti druge ugovorne strane; ili
- u slučaju pokretanja postupka stečaja ili likvidacije nad jednom od ugovornih strana; ili
- u drugim slučajevima regulisanim zakonom.

Član 7.

Nijedna od ugovornih strana neće biti odgovorna na bilo koji način zbog bilo kojeg neuspjeha u ispunjavanju bilo kojih odredbi iz ovog Okvirnog sporazuma, ako je to



ispunjenje bilo onemogućeno nekom višom silom ili nekim nepredvidivim iznenadnim događajem bilo koje prirode koji nisu pod kontrolom nijedne od ugovornih strana.

Član 8.

Svi sporovi koji eventualno proisteknu iz ovog Okvirnog sporazuma, Ugovorne strane će riješiti međusobnim dogovorom, a ako se u tome ne uspije spor će rješavati nadležni sud u Sarajevu.

Član 9.

Ovaj Okvirni sporazum sačinjen je u 4 (četiri) istovjetna primjerka, od kojih svaka strana dobija po 2 (dva) primjerka.

Univerzitet u Sarajevu – Prirodno-
matematički fakultet



Prof. dr. Nusret Drešković, Dekan

Broj: 01/01-1132/1-2025
Sarajevo, 30.05.2025. god.

Bosnalijek d.d.




mr. sc. Adnan Hadžić, v.d. direktor

6235/25
05.06.2025.

